



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Sacerdotale Ad consuetudinem S. Romanæ Ecclesiæ
aliarumque ecclesiarum ex Apostolic[a]e bibliothec[a]e ac
Sanctorum Patrum iurium sanctionibus, &
ecclesiasticorum doctorum scriptis ...**

Venetiis, 1579

Sermo in electione plebani uel archipresbyteri, uel sacerdotis parochialis.

urn:nbn:de:hbz:466:1-40307

tur. His igitur modis honorabile erit connubium, et thorus
immaculatus. Et sic faciendo et hic habebitis gratiam, et in fu-
turo gloriam. Ad quam nos perducatur Iesus Christus domi-
nus noster, qui cum patre et spiritu sancto vivit et regnat per om-
nia secula seculorum Amen.

In electione alicuius prelati. Plebani, Archipresbyteri vel
Rectoris alicuius ecclesie, Sermo.

Sacerdos maior illius ecclesie, vel alius cui id commissum
fuerit, congregatis electoribus pro electione, poterit infra scri-
pta vel similia verba pro future electionis celebratione exhor-
tatoris ipsis facere.



Nec quisquam sibi sumat honorem, sed qui vocatus
est a domino tanquam Aaron. Heb. v. cap. Celebra-
turi electionem futuri Plebani, domini observan-
dissimi, non incongrue verbum prefatum assumpsi:
quo clare et evidenter Apostolus Paulus qualem prelatum
debeatis eligere vobis insinuat, videlicet, tales qui huiusmodi
honorem ambiciose non querat, qui secundum voluntates Dei
sit, et qui ornatus virtutibus tanquam Aaron existat. Non enim
huc convenistis ut terrenum et corporis vobis eligatis prefe-
ctum: sed ut pastorem animarum vestrarum, mediatorem inter
vos et Deum: qui vos Deo omnipotenti reddat gratos et acce-
ptos: qui animarum vestrarum saluti intentus sit, diligens vi-
sidium correptor, et virtutum plantator in vobis existat. Qui
doctrina, exemplis, opere et charitate, ad eternam vos salutem
perducatur. Cum igitur spiritualem patrem eligere et animarum
vestrarum curatorem creare debeatis: tanto magis debetis
eniti ad tales electionem: quanto maior et potior anima corpo-
re existat. Hoc autem facietis: si ea que vobis beatus Aposto-
lus proponit, servaveritis, videlicet quod eligatis non eum qui
arroganter sibi hanc plebem usurpare conatur, sed virum a
Deo vocatum et virtuosum: prout dicebat thema assumptum.
Neque quisquam sibi sumat honorem: sed qui vocatus est a Deo
tanquam alter Aaron. In quibus verbis tria facit Apostolus.
Primo ambiciosum excludit. Secundo canonicam institutio-
nem inducit. Tertio dignam executionem exprimit. **P**rimo
ergo ambiciosum excludit. Sunt enim qui appetant alijs pre-
poni

poni: non ut eis profint: sed vel ut alijs sint superiores, vel propter diuitias, vel propter proprias commoditates. Hos tales excludit Deus. ps. lxxiiij. Peccatorum costringam cornua. si ambitionis, et exultabunt cornua iusti: et Amos. 6. cap. In quiete in fortitudine nostra assumpsimus nobis cornua? Et sanctus Leo Papa, ut habetur. i. q. 1. capit. principatus. sic ait. Principia tus quem metus extorsit, aut ambitus occupauit, etiam si moribus vel actibus suis non offendat, ipsius tamen iniqui sui exemplo est perniciosus: et difficile est ut bono peragantur exitu, que malo sunt inchoata principio. Et beatus Augustinus, ut habetur. 8. q. 1. capit. Qui episcopatum. Locus superior, sine quo regi populus non potest: et si tenetur et administratur ut decet: tamen indecenter appetitur. Propterea sancti cum eligebantur a populis ad prelaturas, fugiebant, renuebant, et acceptare recusabant. Exemplum habemus de sancto sanctorum Christo domino, qui sciens quod populus eum volebat facere regem, aufugit, Idem et sancti Gregorius, Ambrosius, Augustinus, et multi alij electionem de se factam nisi coacti recipere noluerunt: ut ostenderet non nisi per ambitionem ad prelaturam assumendum. Cum igitur intelligatis inconuenientiam ambitionis in prelatis, studeatis tale eligere, qui hoc vitio careat: ut ipse et sue et vestre salutis consulere possit: et sit ut seruus fidelis: qui domini sui gregem humiliter pascat, et non ut dominus cleri et populi: qui omnes velit despicere, et se ipsum extollere. Unde pastor ecclesie Beatus Petrus Apostolus veros prelatos admonet dicens: Pascite qui in vobis est gregem Dei: prouidentes non coacte: sed spontanee secundum Deum: neque turpis lucri gratia: sed voluntarie: neque ut dominantes, in clericis, sed forma facti gregis ex animo. Et cum apparuerit Princeps pastorum, percipietis immarcescibilem glorie coronam. **C** Secundo canonicam institutionem inducit: quia Deo vocatus. Dicit. n. a Deo vocari, quoniam canonicas institutiones Dei ecclesie instituitur. Nam de malis rectoribus Deus dicit. i. Reg. Ferunt sibi regem et non pro me, principem, et non pro consilio meo. Super quo verbo Beatus Hieronymus, ut habetur. q. in ea. Audacter. Audacter fortasse aliquid dicimus, tamen quod scriptum est dicimus. Non semper princeps populo et iudex ecclesie per Dei arbitrium dat, sed put merita nostra deposcunt. Si mali sunt

actus



UNIVERSITÄTS-
BIBLIOTHEK
PADERBORN

Sermo in electione alicuius

actus nostri, et operemur maligna in conspectu domini, nobis
dantur principes secundum eorum nostrum. Et hoc tibi de scri-
pturis probabo. Audi nunc quid dominus dicat. fecerunt sibi re-
gem, et non per me. Et hoc dictum videtur de Saule illo, quem utique
ipse dominus elegerat, et regem sibi fieri iusserat. Sed quoniam non secundum
dei voluntatem, sed secundum meritum peccatoris populi fuerat electus,
nec secundum sua voluntate et consilio constitutum. Tale ergo aliquid
intelligamus in ecclesiis fieri, quod pro merito aut in verbo aut
in opere potens tribuitur rectori ecclesie; aut si malignum faciat
populus in conspectu domini, et tales perseverent, talis ecclesie in-
dex datur, sub quo famem et sitim populus patiatur, non famem
panis, nec sitim aque, sed famem audiendi verbi dei. Qualis autem
eligendus sit prelatus. Idem Hieronymus. 2. q. 1. c. dicit sic dicit. Re-
quiratur ergo in ordinando sacerdote populi prelatia, ut sciant omnes,
et certi sint, quod qui prestantior est ex omni populo, qui doctior, qui
sanctior, qui in omni virtute eminentior ille eligatur ad sacerdo-
tium. Non igitur eligendus est plebanus propter preces parentum,
amicorum, et (quod turpe est dictum) infamium personarum: sed
propter Dei reverentiam talis eligendus, est qui possit populo pro-
desse, cuius vita probata sit et laudata, et omnibus eius probitas
manifesta. Tertio videre debemus in sacerdote eligendo di-
gnam executionem, scilicet quod exequatur digne opus Dei: et hoc ibi, tan-
quam Aaron, Aaron enim quadruplici signo in virga ostensus est
vocatus a domino: per quatuor illa spiritualiter habita videtur voca-
tus esse a Deo in prelatura. Primus fuit in virga gemina-
tio, et intelligitur delinquentium correctio, que debet esse in prela-
to. Esa. 11. Egredietur virga de radice Jesse, quod interpretatur
zelus. Unde Augustinus. 2. 4. q. 3. Corripiantur a prepositis subditi,
correctionibus de charitate venientibus, pro culparum varie-
tate diversis, vel minoribus, vel amplioribus. et infra: pastoris
officium est, cum necessitas habet, ne per plures serpentis dira
tagia, separare ob omnibus sanis morbidam, ab illo cui nil est im-
possibile ipsa forsitan separatione sananda. Secundus quod fuit
in virga Aaron est, quod postmodum floruit, in quo significatur bo-
nesta conversatio. Eccle. 2. 4. Flores mei fructus honoris et bo-
nestatis. Unde beatus Hieronymus. 8. questio. 1. dicit qualis erit edifi-
catio discipuli, si intelligat se magistro esse maiorem: Unde non
solum

solum epi, presbyteri, & diacones debent magnopere provide-
re, vt cunctū populū cui president quersatione & sermone p̄-
eant: verum etiam inferior gradus, vt exoriste & ceteri omnes
omnino qui domui Dei deseruiunt: quia valde Dei ecclesiam
destruit, laicos meliores esse quam clericos. **Tertium** est q̄
virga Aaron fronduit: in quo significatur verbi p̄dicatio. ps
1. & folium eius non defluet. Unde distin. 4. §. 1. dicitur q̄ inno-
cens absque sermone conuersatio, quantum edificat ecclesiam
in exemplo, tanto nocet silentio, & beatus Aug. in c. Sit rector.
Ibidem idem habetur: & sunt verba Gregorii. **Quartum** est
quod in virga amygdalas produxit: in quo notatur compassio.
Thess. 5. c. Suscipite infirmos: & Leo Papa distin. 86. Odio ha-
beantur peccata, non homines: corrigantur tumidi: tolesētur
infirmi. & 6. q. 1. Clemens. Si tanquam omnibus pesse volueris
singulos prout poteris auua: & singulos releua: qui & singulo-
ruꝝ onus ac solitudinem portas. Ea propter domini mei ob-
secro vos: vt his & alijs que adduci possent consideratis: talem
eligatis huic ecclesie in pastorem, qui vobis & ei possit prodes-
se & non obesse. Unde audiatis beatissimum Leonem Papam
dicentem: & habetur 61. dist. c. Adramur. Adramur apud vos
tantum aut occasionem temporis impacati, aut ambientium
presumptionem, aut tumultum valuisse popularem, q̄ indignis
quibusque & longe extra meritum sacerdotale constitutis pasto-
rale fastigium & gubernatio ecclesie committeretur. Non est
enim hoc populo consulere, sed nocere: non prestare regimen:
sed adiuuare discrimen. Integritas enim presidentium salus
est subditorum: & vbi incolumitas est obedientie: ibi est sana for-
ma doctrine. Quod si quibuslibet ecclesie gradibus solcite
prouidenterque curandum est: quanto magis elaborandum est
vt in electione eius, qui super omnes constituitur non erretur:
Nam totius familie domini status & ordo mutabitur: si quod
requiritur, in corpore non inueniatur in capite. Curetis ergo
dignum ecclesie vestre domini honorandissimi & prestantissi-
mi eligere pastorem: vt cum eo & hic gratiam, & in futuro glo-
riam adipisci mereamini.